

BREVES  
NOTATIONES  
AD MEMORIALE  
ET SUMMARIUM  
PATRUM SOCIETATIS.



Ost elucidatam in meis Observationibus Imperatoris Sinici responfionem, confutatumque in fcripto Reverendifs. Epifcopi Conouenfis libellum à Patribus Pekinenfibus editum, omninò fupervacaneum videtur quidquam reponere ad ea quæ in Memoriali & in Summario congefia funt. Verùm ne aliquas difficultates filentio me præteriiffe arbitrarentur

Reverendi Patres, quod ipfas diluere potis non eflém, breves hæc notationes fubjicere operæ pretium eflé duxi, quibus, nifi mea me fallat opinio, quæcunque tam in Memoriali, quàm in Summario alicujus momenti videri poffunt penitus enodanda fore confido.

Et quidem ut primùm dicam de Procurationum Actis Reverendifsimorum Epifcoporum Macaenfis, Nankinenfis, Afcalonenfis, & Elechi Andrevillenfis, non efl quod Jefuitæ magnum inde ipforum Causæ præfidium accedere putent.

Etenim D. Macaenfis linguam, literasque Sinenfes prorsùs ignorat, nec Chinam ufque adhuc ingreffus efl.

D. Nankinenfis, Pater nimirum Ciceri, præterquàm quòd & ipfe linguam Sinicam adeo parùm caller, ut, an Sinenfium Chriftianorum Confefiones excipere poffit, dubitem; mirum non efl fi in Societate ufque ad provectam ætatem educatus Jefuitarum fententiam, quã jam olim imbutus fuerat, nunc etiam tneatur; præfertim cum poft fuam in Epifcopum inaugurationem ob frequèntes infirmitates addifcendæ Sinarum linguæ, difcutiendisque hifce controverfiis fenefcentis corporis vires applicare haud quiverit.

D. Afcalonenfis auctoritatem plurimùm venditant Patres Societatis, fed fruflrà, quandoquidem ipfemet in rebus Sinicis minùs peritum fele agnofcit, ut videre efl in fpeciali fcripto, quod ad elevandum ejus teftimonium infrà apponere confultum duxi.

De Patre Turcotti, qui anno 1696. electus fuerat Epifcopus Andrevill-

villensis non est quod multis edisseram. Eténim cùm Episcopatum accēptare renuerit, ut sibi demandatum Visitatoris Societatis munus exerce-  
ret, hac in causâ non ad Episcoporum, sed ad Jesuitarum Ordinem revo-  
candus venit.

Præter hos Episcopos, quorum Procuratores agunt Patres Societatis  
Rmum quoque Pekinensem veluti ipsorum sententiæ faventem laudant,  
sed quantum hac in re hallucinentur testatum faciet ejus in Curia Procu-  
rator Reverendiss. Berithensis.

Testimonium etiam proferunt Reverendiss. P. Basili à Glemona  
Vicarii Apostolici in Provinciâ *Xen si* quem Societatis sententiæ, tantum  
abest ut faveat, quin è diametro adversari ex iis, quæ in speciali ad ejus  
testimonium responsione adduxi facile intelligetur, ut proindè ex septem  
Vicariis Apostolicis unus Reverendiss. Ascalonenfis, cujus in hisce con-  
troversis exiguum admodum esse auctoritatem demonstravi, Jesuitarum  
sententiæ patrocinetur; ceteri verò aperte repugnent, nempe Reveren-  
dissimus Cononensis Vicarius Apostolicus Provinciæ Fokien, Reveren-  
dissimus Berithensis Vicarius Apostolicus Provinciæ Hukuang, Reve-  
rendiss. Pater Petrus de Alcalá Vicarius Apostolicus Provinciæ Che  
kiang, Reverendiss. Pater Basilius à Glemona Vicarius Apostolicus Pro-  
vinciæ *Xen si*, Reverendiss. D. Philibertus Le Blanc Vicarius Apostolicus  
Provinciæ Yun nan, & Ego quoque Provinciæ Su chuen Vicarius Aposto-  
licus.

Jam verò quod spectat Missionarios, quorum testimonia Patres  
Societatis in Summario referunt, haudquaquam opus erit ad singula  
respondere; Cùm eorum pars maxima vel Jesuitarum sint, vel ad ea  
alibi ab iisdem Jesuitis laudata satis superque repositum fuerit, vel  
denique ex recentioribus Missionariis, qui nullam aut valde imperfectam  
de hisce controversiis notitiam habent desumpta reperiantur.

Generatim observare sufficiat Sinenses Missionarios esse Domi-  
nicanos, Franciscanos, Augustinianos, Jesuitas, & seculares Sacer-  
dotes.

Jesuitæ, cui sententiæ privatim adhæreant haud facile dignosci  
potest, omnes tamen palam Societatis opiniones hac in re tueri non  
abnuerim; unum excipio Patrem Visdelou longè peritissimum, quem  
ab aliis valde dissentire compertum habeo.

Quæ fuerit antiquiorum Dominicanorum sententia Romæ per-  
spectum est: quam verò sequantur praxim recentiores vel ex eo liquet  
quòd Jesuitæ nullum ex ipsis pro sua sententiâ adduxerint. Et certè  
Societatis opinionationibus & praxi, quàm maximè oppositos esse nemo  
nescit.

De Franciscanorum antiquiorum mente & praxi nullus dubitabit  
qui legerit epistolam Rev. P. Ybáñez ipsorum in China Præfeti Apo-  
stolici. Hanc videre est in mea responsione ad testimonium Reverendiss.  
Alca-

*Vide inferius.*

**Ascalonenſis:** Quântum verò hodierni temporis Franciſcani à Jeſuitarum placitis recedant manifèſtè conſtat ex epistoſa inferiùs referenda Præpoſiti Generalis Ordinis Sancti Franciſci in Sinis, quam ad me Europam petentem ſcripſit, rogans ut Romæ veritati defendendæ incumberem, nec hanc Sancti Franciſci Familiæ labem inuri ſincerem ut Jeſuitarum praxi, & ſententiæ conſentire credatur.

Neque tamen negaverim aliquem fortasè reperiri inter Franciſcanos recens Chinam ingreſſum, aut controverſiæ, de qua agitur, minùs peritum, qui extrinſecâ Societatis probabilitate nixus, & deluſus piâ quidem, ſed non ſecundum ſcientiam intentione Jeſuitarum praxi non adverſetur.

Quantum pariter Auguſtiniani ad hæc uſque tempora à Societatis opinionibus abſuerint, palam fit ex tribus epistoſis, quas reſuli in mea ad Reverendiſ. Aſcalonenſem reſponſione, ſcriptis ab antiquiore è Sancti Auguſtini Familia in Sinis Miſſionario adhuc vivo, cujus labores ſpecialis Dei benediçtio proſequitur. Non tamen me latet Reverendiſ. Aſcalonenſem pro eo quo defendendæ Societatis flagrat zelo, à duobus Auguſtinianis obtinuiſſe ut favens, quantum in iſſis eſſet, Jeſuitarum ſententiæ teſtimonium conſcriberent, quod tamen eo ſolum reducitur, ut Jeſuitarum ſententiam probabilem ſe arbitrari, & ut talem in praxi ſequi aſſerunt: ſed quænam reverà eſſet Jeſuitarum praxis & ſententia ignorarunt, falſò exiſtimantes à Jeſuitis nec permitti, nec politicas affirmari Oblationes in Templis Progenitorum, & Confucii factas, quas verè Idololatrica Sacrificia eſſe, nec ipſi inſiciantur, ut conſtat ex proteſtatione factâ à Superiore Franciſcanorum ad P. Turcotti Societatis Jeſu, quam Jeſuitæ ſinceritatis Chriſtianæ parùm hac in re ſolliciti Sanctam Sedem celare non dubitarunt.

Nunc quoad Sacerdotes Gallos attinet, à praxi & ſententiâ Societatis prorsùs eſſe alienos in dubium non revocatur, ideòque nec neceſſarium videtur nonnulla reſellere, quæ de illis ac de me nominatim falſò Jeſuitæ protulerunt; alibi forſitan opportunus erit ad calumniam repellendam dicendi locus.

Teſtimoniis Miſſionariorum ſubnectuntur in Summario aliquot excerpta ex libris Sinenſibus: ſed quoniam nullius ſunt ponderis, & cæteroquin ſatis ſuperque doctrina Sinenſium in reſponſione Reverendiſſimi Cononenſis, & in meis Obſervationibus dilucidata eſt, de iis ſermonem inſtituere prorsùs ſupervacaneum arbitror.

Nihil etiam attinet, quòd Neophytorum Societatis teſtimonia diſcutiam, etenim cum Patriis Superſtitionibus à puero ſine aſſueti, & impenſè dediti, mirum videri non debet ſi Jeſuitarum doctrinæ, quâ Sinenſes Ritus ab omni Idololatria eximuntur adhaereant, ut proinde nullus dubitem, quin ſexcenta hujuscemodi teſtimonia à Patribus Societatis adduci poſſint. Sed ut vel ex uno iſtorum teſtium diſcamus omnes,  
Je-

Jesuitæ pag. 85. Summarii laudant Licentiatum *Cham-Kem* falso, ne dicam impudenter, affirmantem Doctorem *Chu bi* Atheum & Idololatram, imò & ipsis fatentibus Jesuitis Atheorum Principem in explicatione *Xam Ti* nobiscum *verè concordare*. Certè opus non est, imò absurdum esset in hac Causa ad Religionem Sinarum spectante præterminissis libris, ubi fusissimè, & ex professo de eadem Religione tractatur, Neophytorum testimonia emendicare, ex quibus nihil aliud conficias, quam eos sive ob ignorantiam, sive ut gratiam præstent Jesuitis sententias Patriiis Superstitionibus, in quas propendent consonas approbare, licet absurdæ sint, & libris Sinenlibus manifestè repugnent.

In Memor.  
pag. 4.

Cæterum, ut magis perspectum fiat, quæ sit adhibenda fides omnibus illis testimoniis in Summario Jesuitarum coacervatis, P. *Augustinum à Sancto Paschali* hic commemorare juvat, quem Societatis Procuratores inter alios Missionarios referre non dubitant, veluti ipsorum sententiæ apertè faveat, & illustre, ut ipsi aiunt, *testimonium dederit de veritate relationis Patris Martinii*, quemque etiam circa Cœli cultum laudant. Et tamen ille ipse est Pater à Sancto Paschali, qui à Patrum Societatis doctrina maximè dissentit. Legatur quæso, quod ex ipso retuli num. 145. & 51. de Atheismo Imperatoris Sinici, & de causa propter quam Patribus dedit Tabellam *Cælum colito*; De veterum etiam Sinarum Idololatria, num. 38. De Atheismo hodiernorum omnium Literatorum Sinen-sium, num. 73. De Sacrificiis, quæ Progenitoribus defunctis offeruntur, num. 121. De Progenitorum Templis, & de eo quod circa hoc punctum Sanctæ Sedis P. Martinius exposuit, num. 112. & 170. De Precibus Progenitoribus adhibitis, num. 146. De Spirituum Progenitorum ad Sacrificia descensu, num. 190. De Sacrificio, quod Confucio offerri consuevit, num. 221. Attendatur insuper, hæc omnia ex quodam tractatu deprompta esse à duobus Societatis Procuratoribus iterum iterumque perlecto, ac multoties laudato: certoque neminem fore confido, qui P. à S. Paschali tanquam ipsorum Causæ patrocinantem ab ipsis adductum fuisse non obstupe-scat.

Jam Sanctitati Vestræ, & Eminentissimis Patribus expendendum, relinquo, num post enodatas, explanatasque difficultates omnes, quæ ex lectione scriptorum Societatis enasci poterant, aliquid adhuc obitare possit, quo minus hæc tanti momenti controversia aliquando tandem solemnè judicio dirimatur.